

AUGLÝSING

um staðfestingu á breytingu á aðalskipulagi Akureyrar.

Hinn 7. apríl 1983 hefur skipulagsstjórn ríkisins staðfest þá breytingu á aðalskipulagi Akureyrar að í stað áður ráðgerðs íbúðahverfis á horni Bugðusíðu og Arnarsíðu í Glerárhverfi á Akureyri, komi kirkjulóð.

Félagsmálaráðuneytið, 12. apríl 1983.

F. h. r.

Hallgrímur Dalberg.

Hólmfríður Snæbjörnsdóttir.

Nr. 198

7. apríl 1983

REGLUR

um réttindi til að stjórna vinnuvélum.

1. gr.

Með reglum þessum er leitast við að tryggja næga þekkingu, þjálfun og öryggi í meðferð vinnu- og farandvéla, sem upp eru taldar í 3. grein og reglur þessar taka til.

2. gr.

Sá einn getur öðlast réttindi til að stjórna vinnuvélum samkvæmt reglum þessum, er uppfyllir eftirtalin skilyrði:

- a. Er fullra 17 ára.
- b. Hefur ökuréttindi á bifreið.
- c. Hefur lokið tilskildu námi og þjálfun, sbr. 3., 5. og 6. grein.

3. gr.

Náms- og þjálfunarkröfur miðast við stærð og gerð viðkomandi vinnuvéla samkvæmt neðangreindri flokkun:

A. Frumnámskeið.

1. Gaffallyftarar með lyftigetu 1,2—10 tonn miðað við 0,6 m hlassmiðju. Þó getur Vinnueftirlit ríkisins ákveðið í einstökum tilvikum að stjórnendur lyftara með lyftigetu undir 1,2 tonn skuli sækja námskeið skv. þessum staflíð.
2. Dráttarvélar með beintengdum eða vökvaknúnum sértækjabúnaði s.s. loftpressum og skóflum.
3. Kjörfubílar.
4. Valtarar.
5. Steypudælukranar.
6. Byggingarkranar, sérnámskeið.

Náms- og þjálfunarkröfur.

Námskeið í öryggismálum og slysavörnum haldið á vegum Vinnueftirlits ríkisins.

Að prófi loknu öðlast þátttakendur rétt til verklegar þjálfunar undir umsjón kennara, sbr. 6. grein og að þjálfun lokinni til að gangast undir verklegt próf sbr. 7. grein.

B. Grunnnámskeið.

1. Gaffallyftarar með yfir 10 tonna lyftigetum miðað við 0,6 m hlasmíðju.
2. Traktorsgröfur.
3. Aðrar gröfur allt að 18 tonna eigin þunga.
4. Jarðýtur allt að 27 tonna eigin þunga.
5. Hjólaskóflur með allt að 4 m³ skóflustærð.
6. Dragskóflur.
7. Bíl og beltakranar með allt að 20 tonna lyftigetum.
8. Malbikunarvélar.
9. Vegheflar.

Náms- og þjálfunarkröfur.

Námskeið, sem viðurkennt er af Vinnueftirliti ríkisins, samkvæmt fyrirbyggjandi námsskrá. Um námsefni og framkvæmd fer eftir ákvörðun verkefnisráðs, sem skipað er fulltrúum frá iðnaðarráðuneyti, Vinnueftirliti ríkisins, Verkamannasambandi Íslands og Vinnuveitendasambandi Íslands.

Að loknu prófi og þjálfun sbr. 6. grein öðlast þátttakendur rétt til að gangast undir verklegt próf, sbr. 7. gr., sem veitir réttindi til að stjórna ofangreindum tækjum, sem og vinnuvélum í A-flokki.

C. Framhaldsnámskeið.

Öll tæki ofan stærðarmarka B-flokks.

Náms- og þjálfunarkröfur.

Framhaldsnámskeið, skv. námsskrá, er verkefnisráð vinnuvélanámskeiða setur.

Námskeiðið veitir rétt til að stjórna öllum vinnuvélum ofan stærðarmarka í B-flokki. flokki.

4. gr.

Verði nýjar gerðir vinnuvéla, sem ekki eru tilteknar í reglum þessum teknar í notkun, skal stjórn Vinnueftirlits ríkisins ákveða, hvaða náms- og þjálfunarkröfur gera skal til stjórnenda þeirra.

5. gr.

Skilyrði fyrir inntöku á námskeið samkvæmt reglum þessum eru að umsækjandi sé fullra 16 ára.

Það er skilyrði fyrir inntöku á framhaldsnámskeið, að umsækjandi hafi fullgild réttindi til stjórnunar vinnuvéla í B-flokki auk a. m. k. tveggja ára starfsþjálfunar á eitt eða fleiri tæki í þeim flokki.

Til að öðlast réttindi til stjórnunar vinnuvéla, er reglur þessar taka til, þarf verklega þjálfun auk bóklegs náms skv. 3. grein, og er óheimilt að veita verklega kennslu öðrum en þeim, er því námi hafa lokið með fullnægjandi árangri. Verklega þjálfun má hefja hjá vinnuveitanda á síðustu þremur mánuðum fyrir 17 ára aldur. Einnig er heimilt að veita þeim sem eru fullra 16 ára verklega þjálfun fari hún fram á námskeiðum skv. 3. gr.

6. gr.

Verklega kennslu annast þeir, sem til þess hafa sérstök kennsluréttindi, er Vinnueftirlit ríkisins veitir.

Umsækjandi um kennsluréttindi þarf að hafa fullgild starfsréttindi skv. reglum þessum og a. m. k. 1000 klst. starfsreynslu á tæki því er kennsluréttindin ná til.

Verkleg kennsla skv. ákvæðum þessarar greinar má ekki fara fram þar sem margir menn eru að störfum eða þar sem slyshætta getur stafað af kennslunni. Kennari skal ávallt vera til staðar er nemandi er við verkþjálfun, þannig að hann geti leiðbeint honum og gripið inn í störf hans.

7. gr.

Þegar nemandi hefur lokið námi og verklegri þjálfun skv. framanskráðu skal senda Vinnueftirlit ríkisins umsókn um próftöku.

Umsókn skal fylgja:

1. Vottorð um námskeiðssetu og próf skv. 3. grein.
2. Vottorð kennara um að lokið sé verklegri kennslu.
3. 2 skýrar andlitsmyndir af umsækjanda. Stærð mynda skal vera 35 × 45 mm. Þær skulu vera merkja- og stimplalausar og eigi eldri en tveggja ára.

Vinnueftirlit ríkisins getur krafist vottorðs læknis um að umsækjandi hafi nægilega góða sjón og heyrn og næga andlega og líkamlega hreysti.

Þegar framangreind gögn liggja fyrir sér Vinnueftirlit ríkisins um að prófa umsækjanda.

8. gr.

Standist umsækjandi verklegt próf skv. 7. grein gefur Vinnueftirlitið út skírteini því til staðfestingar.

Í skírteini skal greina:

1. Númer þess.
2. Nafn, fæðingardag, fæðingarár, nafnnúmer og heimilisfang.
3. Útgáfudag.
4. Hvenær skírteinið er fyrst gefið út.
5. Gildistíma.
6. Tæki sem réttindi ná til.

Í skírteini skal vera mynd af skírteinishafa.

Skírteinishafi skal hafa það við hendina þegar hann stjórnar tæki því er skírteinið varðar.

Skírteinið gildir í 10 ár frá útgáfudegi. Umsókn um endurnýjun skulu fylgja tvær myndir og læknisvottorð sé þess krafist.

9. gr.

Enginn má neyta áfengis, æsandi eða deyfandi lyfja við vinnu með tækjum þeim, sem reglur þessar ná til sbr. 24. og 25. grein umferðalaga, nr. 55/1981.

Verði stjórnandi vinnuvélar, sem reglur þessar ná til uppvís að vítaverðri óaðgæslu eða kæruleysi við stjórnun á vinnuvél getur Vinnueftirlit ríkisins að undangenginni rannsókn svipt hann rétti til að vinna með slíku tæki.

10. gr.

Reglur þessar haggja í engu réttindum þeirra, er við útgáfu þeirra hafa notið fullgildra réttinda til stjórnunar vinnuvéla.

Þeir, er við gildistöku reglan þessara hafa lokið prófi frá námskeiðum Vinnueftirlits ríkisins og Öryggiseftirlits ríkisins í meðferð og stjórnun vinnuvéla, en eigi lokið verklegu prófi, hafa rétt til að gangast undir verklegt próf, án frekari námskeiðssetu.

11. gr.

Brot gegn reglum þessum varða sektum nema þyngri hegning liggi við lögum samkvæmt.

Með mál út af brotum á reglum þessum skal farið að hætti opinberra mála.

Reglur þessar eru settar samkvæmt 3. mgr. 49. gr. laga nr. 46 18. maí 1980 og staðfestast hér með til að öðlast gildi 1. október 1983.

Frá sama tíma fellur úr gildi reglugerð nr. 121/1967 um réttindi til vinnu og meðferðar á vinnuvélum svo og reglugerð nr. 439/1978 um breyting á þeirri reglugerð.

Ákvæði til bráðabirgða.

Ákvæði reglna þessara um náms- og þjálfunarkröfur stjórnenda malbikunarvéla taka gildi frá og með 1. maí 1984. Fyrir þann tíma skal Vinnueftirlit ríkisins standa fyrir sérstöku námskeiði fyrir þá stjórnendur malbikunarvéla, er reynslu hafa af stjórnun þeirra og gefa út skírteini um réttindi að því loknu. Ákvæði 3. gr. um framhaldsnámskeið öðlast þá fyrst gildi er stjórn Vinnueftirlits ríkisins hefur samþykkt námsskrá þar um og birt auglýsingu hér að lútandi.

Félagsmálaráðuneytið, 7. apríl 1983.

F. h. r.

Hallgrímur Dalberg.

Jón S. Ólafsson.

REGLUGERÐ**um starfsréttindi og starfssvið lyfjatækna.****Starfsréttindi.**

1. gr.

Rétt til að kalla sig lyfjatækni og starfa sem slíkur hér á landi hefur sá einn, sem hlotið hefur til þess löggildingu heilbrigðisráðherra.

2. gr.

Rétt til þess að öðlast starfsleyfi, sbr. 1. gr., hefur sá einn, sem lokið hefur prófi við Lyfjatækniskóla Íslands eða hliðstæðu prófi, sem metið er gilt að dómi skólastjórnar Lyfjatæknaskóla Íslands.

Starfssvið.

3. gr.

Starfssvið lyfjatækna eru störf við lyfjaafgreiðslu og lyfjagerð undir handleiðslu og á ábyrgð lyfjafræðings.

Heimilt er að veita lyfjatækni takmarkaðan og staðbundinn afgreiðslurétt úr lyfjaförða, sbr. 24. gr. laga um lyfjadreifingu nr. 76/1982.